





太傅席文襄公

席書字文同四川潼川州遂寧縣人弘治庚戌登進士授剡城知縣陞工部都水司主事差督漕船于清江廠著漕船志具見綜理之才通變之學矣十四年改戶部山西司主事陞河南司員外郎會雲南晝晦五日朝命考察雲貴官員書具疏云災異係朝廷而不係雲貴在大臣而不在小臣因條奏時政數千言孝皇欣覽貼置座右十八年出爲河南僉事正德四年陞副使提學貴州時王陽明謫龍場驛書

粥。則所賑皆貧民。乃將州縣每十里爲一局。先發見銀市米爲粥。饑民趨之。盜賊漸鮮。乃以奏截運儲。及戶部所發銀給粥兩月。饑者少甦。始定議銀米間月兼給。沾寔惠云。甲申春。南刑部主事桂萼以書及方獻夫大禮疏錄奏。上下其疏議。特陞禮部尚書。初。廷臣執議。謂今上宜考孝皇。母昭聖太后。父母稱本生叔父母。上勉從之。旣下詔。終以爲疑。書及張息霍韜抗議。謂上以聖祖兄終弟及之訓。入繼大統。非爲人後者。尊號宜具實。以稱爭論數年。

幾成聚訟至是 上下書等及廷臣先後所奏會文

武百司集議於朝衆論既定卒如書等言大禮始古
成尋加太子太保丙戌會試知貢舉舊廷試內閣所
讀卷多取入一甲二甲九卿分讀者則以官爵爲次
雖好卷亦不能置前列書具疏言廷試以收人望服
士心請 明旨痛革廷試一大弊 上是其言六年
加少保兼太子太保禮部尚書兼武英殿大學士入
典機務未任而疾亟遂卒書才識敏決文章政事亦
卓然可稱其學專右象山而抑考亭嘗著鳴冤錄以

明象山之冤識者避之

一清誌銘略曰嘉靖丁亥春二月少保兼太子太保
禮部尚書席公以目疾久未愈求致仕先是凡三上
疏乞休不允至是上曰卿學行才識朕所簡注方
賴輔成化理而卿疾彌留志不可奪特加武英殿大
學士以示優異然不遂欲卿遠去賜第京師月俸
支如故蓋自國初以來文臣得謝恩禮之優未嘗有
是命下而公卒是月十日也計聞上悼惜贈太
傅賜謚文襄諭祭九壇初喪文出親製備述君臣

終之義聽之感動給官舟遣行人馮震護喪歸其鄉
凡葬事則遣工部主事張淑督有司治之又官其子
中爲尚寶司丞卹典之優亦前此所未有嗚呼上
之所以待公者如此地下有知亦可以自慰矣按公
之陞河南按察僉事也歲大饑撫按議賑時鎮守中
貫甚橫督修黃河諸工役朘削無算所在騷然公曰
第停工役禁尅削不煩賑濟也撫按從之而民稍安
後遷福建左布政宸濠之變公募軍二萬赴援道聞
賊平乃歸又建道山書院以祀閩中諸賢皆千古偉

事甲申春

世宗入繼大統三年矣再命遣官徵公

入京憾公者乃咸謂賑粥非善謫議紛起公疏乞終
事三月特陞禮部尚書公疏辭不允南北言官交章
劾公公又疏乞休致以全臣節溫旨褒答仍命吏
部趣公五月公再疏乞休并上所撰大禮考議有謫
公侵賑濟銀者公乞差官覈勘上遣近臣偕戶部
及法司會查已明公復疏乞放還不允使者催趣相
望於道公不得已北行至德州聞百官伏闕被逮繫
公上疏乞有學士豐熙等不許仍趣其來八月至京

陛見而言官復有所劾公杜門三上疏乞罷俱不允
不得已出視事乃上所修大禮集議四卷纂要二卷
卽蒙降手勅加太子太保賜白金五十兩紵絲衣四
襲頒其書於天下梓行之五月偶感暑疾在告日漸
失明又具疏辭上遣中官齎賜牲酒食米瓜果來
問疾又賜詩遣官慰問以獻皇帝實錄成進少保
兼秩如故賜白金文綺鞍馬公以世廟告成宜倣
宋郊祀覃恩將先日議禮獲罪諸臣從寬矜貸詔
褒荅又疏舉禮部尚書起復羅公欽順自代嗟嗟公

立朝僅歲有餘耳、居常以卑自牧、至義所在則勇往
直前、無所忌避、言若不出諸口、至當大事、決大疑、發
幽析紛、則極其明辯、衆莫能奪、跡其行履、素孚於人
宦轍所至、聲聞藉甚、部使者剡薦、未嘗不及、官至侍
郎尚書、計日可得也、而直以議禮之疏、與衆不合、譁
言遂興、一倡百和、牢不可解、公方自信不疑、謂公論
在萬世、不待辯、而達禮君子固有先得公心之同然
者矣、初桂公疏上、或勸公宜勿承、不然忤衆、且得罪
公不肯、以書質予、予復之曰、公旣實有此疏、今安得

不承亦據其所見者耳何必同。比尚書命下或止公
不宜來。予曰。上命若是公不去恐衣冠之禍起矣。
比公入朝。聖心悅懌。上下相安。消重禍。釋隱憂。不
可謂無功也。是時上方圖新政。理公特被知遇。假
之歲年。所建明樹立。可量哉。天顧喪其明。又遏其年。
使不克大究厥施。以沒嗚呼。其命也夫。銘曰。唯士窮
經或不達於政。公以經術飾其政。令析繁舉劇。心得
手應。而要其終。卒歸乎正。雷風春。撞衆恃。公以定士
有從政。或未閑於禮。公執典禮以佐。天子謂禮弗

君如跣地弗視羣咻奈何曰有人紀匪衆之狗唯權
度在已我求天知亦求同理食少慮多云胡不傷能
喪其目不能奪其明煌煌禮書匪裁曷彰有命在天
公不起在床帝聞曰嗟我鑑斯亡曷顯我忠曷遂
我良辭以誅之公雖歿有耿光稽行易名無忝文襄
水史云席書疏曰禮官之議舉朝是之臣未敢以爲
是璫韜之議舉朝非之臣未敢以爲非昔舜繼堯統
禹繼舜統未嘗不以瞽鯀爲父也皇上尊爲天子
而父母無尊稱果人情乎武追王之心也今

唯定號

皇考興獻帝立廟大內祀以天子之禮則

大統正而昭穆不紊矣吏部員外方獻夫疏曰

陛

下之繼二宗當繼統而不繼嗣

興獻之異羣廟當

稱禰而不稱宗請改

孝宗曰皇伯

興獻帝曰皇

考別立廟祀草具未上適南刑部主事桂萼與張璁

議合乃言臣按范純仁論英宗親許爲仁宗子

陛

下入繼大統果許爲

孝宗子乎且

孝宗有子更

爲立後

獻帝一子乃以出繼皆非也臣見席書方

獻夫皆以具疏故不敢復贅迄今未奉

宸斷豈

皇上未經覽邪抑二臣未果上邪謹錄以聞上曰
此關係天理綱常仍會羣臣集議

太師徐文貞公

徐階字子升華亭人嘉靖壬午中應天試明年賜進士第三人授編修與告歸娶甲申丁外艱服除復故官會永嘉張公議撤孔子像下儒臣問狀衆莫敢持異公條具三不必五不可狀上以不奉詔罪公廷多申救者得勿問謫延平推官至則毀淫祠劾社學清久繫獄囚以文致入者咸得平反盜阻尤溪爲亂監司以屬公乃設方略窮其窟穴旬日而獲其渠帥并餘黨百二十人滿三載遷黃州府同知未任擢浙

江僉事督學政又三載陞副使改督江西學稱述王文成所著說因像祀焉會皇太子出閣選宮寮改

洗馬兼侍讀丁內艱服除進祭酒爲籍籍諸生淑慝月朔廷誦之以吉服受淑籍素服受慝籍然有曖昧失者亦務覆蓋之諸生以故人人感激相戒勉久之擢禮部右侍郎尋遷吏部故事吏部官率鐫門示重公以爲不能盡人才破例延訪無倦署部事所推轂不用刻深儇捷者而用愿厚長者常引以爲賢於已當大計所貶退能不以衆口爲定天下翕然稱賢未

幾兼學士掌院事尋推禮部尚書莊敬皇太子薨公

議喪禮稱上旨一祭公傾動石且無逸毀公遂累

請立皇太子不報公憤極都城中外震

恐公請歸公自效又

密言上雖難於

還而公上幸便

殿問羣臣

我臣請討

無文故且

內閣補臣

貢市往返少日，不復從而
拒之，其勢必益甚。臣議廷臣皆言：「臣等聞之，亦耳而墮。」
車威長虜志不可奪，臣等聞之，亦耳而墮。臣等聞之，亦耳而墮。
豹以副使坐法，虜人來，其木曰：「欲威虜，非豹不可。」即召為起行，仍為中丞。公上言：「延安卒善戰，而雲中卒善戰，皆用所長。」上從之。時以朵顏三衛為虜耳，自是虜人不敢入。公謂三衛導虜有其情而無其迹，罪之不可得，受之不可不若貴以扞圉失。

肅使彼易受而後撫之。上以爲然。自是言便宜者率密諮公。公寢益任用。太宰缺。廷推公。上曰。階素內直。柰何中道而棄之外乎。亡何。孝烈祔廟之議起。初。孝烈方皇后自九嬪冊立。庚子宮闈之變。有翊護功。上德之。旣崩。始謚曰孝。尋易今謚。一日。上忽諭禮部議祧。仁宗而以孝烈主祔廟。公言。女后不宜先入廟。宜祀之奉天殿別室。上盛怒。趣公再議。公不得已。遜言曰。祧廟乃聖子神孫事。臣子之心。何忍煩。上親議。無已。宜倣古廟數遞加之益。

太廟奉先殿各一室令

仁宗緩祧而后先祔或可

上不許竟祧

仁宗祔

孝烈然天下皆以公議爲

正未幾加少保兼東閣大學士

上欲罷入衛卒公

言其非計又請汰營兵老弱者而取其餉以充賞賚

倡勇敢皆見納一品滿三載進柱國太子太傅癸丑

主會試時倭事起公上疏謂將校主戰而守令主守

今將校北輒用軍興法而守令無恙及城潰矣復坐

將校死而僅左降守令是文武異刑而法不一也民

進止視守令不視將帥今兵一而民百奈何以戰守

併責將帥將校履肝肺以死而文吏持口舌以制難
以責其振矣夫守令勤則餉峙具守令果則哨探嚴
守令警則間不容守令仁則兵必力臣以爲重責守
令可也公又請罷浙江撫臣與更江南督臣皆報許
公念虜盜邊士不得田畜宣大米麥買無所得而戍
卒月餉七鍰僅易粟二斗時畿甸二麥熟石止直四
鍰可及時收買數十萬石石費五鍰可出居庸抵宣
府費八鍰可出紫荆抵大同大約合計之費中金一
兩而飽士卒一月其地米麥價且漸平上如其言

給事中吳時來、刑部主事董傳策、張翀極論嚴嵩罪狀。嵩念公于吳、張俱座主、而董又鄉人。於上前具道本旨所以爲者。上下三君獄考掠無所得。三君遠戍。公獲解。尋加太子太師。相嵩所以危公百端。無如之何。會上所居西苑永壽宮災。徙居玉熙殿。隘甚。公朝夕傍徨曰：「此豈至尊安居所？」乃請掄三殿餘材營之。數旬而官成。更名萬壽宮。進公少師。時分宜姦益露。上久而察公忠密。札諮問。交午。公所鮮及分宜矣。居無何。御史鄒應龍疏論嵩父子不法。

上勒嵩致仕下其子世畚獄戍之擢應龍五品京職
上雖退嵩而心憐之忽忽不樂手諭公欲傳嗣令

擬詔公謝不敢而吏禮二部奏遷應龍通政叅議
報可矣忽有旨切責二部臣以應龍爲邪不宜官
公爲之闢說應龍得無恙上亦悟輟嵩直廬賜公
公旣居首揆盡反嵩政務收人心用物望嚴杜筐籠
天下翕然想望風采初嵩在事操權自利六卿皆束
手公盡謝却之或謂非宰臣體公曰夫操表掇以晞
望者而亦負畚荷鍾耶前是奏軍功率賚閣臣公以

爲不稼取禾、無以示勸、自是報捷不復與賞、將作大
匠徐杲有殊寵、上欲崇以宮保、公力持、祖宗無
是法、無啓倖端、上默然已、十五年滿、加上柱國、固
辭、公體小惡、上親爲調藥、溫諭諄切、方士熊顯等
進長生藥、公力言不可餌、又問公比日、乩何以不下、
公謂此曹持紫姑術、實得於衆口、而托之神語、未宜
深信、上由此亦怠厭方士之怪迂語矣、大虜由墻
子嶺入寇通州、報至、大司馬楊博以上方有竹宮
祠、不敢奏、而便宜令關門戒嚴、虜阻白河水、退掠

香河公請亟先徇順義而以奇兵徼之古北口虜果
走順義不能入出古北口遇伏大敗天子創虜恨
司馬不早計博危懼公從容言博悉兵情盡力縣
官上始解公以張家灣當天下要輸請出光祿羨
金三萬城之設一裨將始爲重鎮穆宗在裕邸而
景王未之國愛幸日異姦人謀欲更樹公力稱引古
今調護萬端景王卒就國異議旋息公力也上下
制建雩壇及更興都故宮殿公第以藏匱爲言工遂
已天下鹽額淮揚最重歲賦六十餘萬金高嘗國今

都御史鄒懋卿出經理搜積美得百萬以爲功遂著
額額不登商多亡匿急則雉經公請仍其舊流徙悉
復而額盡登先是分閩以上債事輒以緹騎逮所至
爲暴公在政地省減十九其後益不復遣戶部主事
海瑞上書斥乘輿上恚甚逮詔獄欲殺之公疏
言瑞草野倨侮然不過仰恃聖明以死沽直名耳不
如置之則彼計失而聖德益彰瑞以是得毋死
上久疾欲幸興都公以保聖躬防姦宄爲對語甚
切至上崩穆宗卽位公推先帝意罷齋醮

不復諫諍得罪諸臣舉士有節行及恬退久廢者所
草登極詔孳孳急民和天下翕然想望太平矣公明
習典制中外倚重上欲幸故邸公言祖宗時非
郊祀幸學耕藉駕不出今諸大典未一行而先幸
故邸可乎上嚴公雖不輟幸而以頃刻歸矣亡何
御史齊康受新鄭旨力詆公公引咎乞休於是九卿
大臣皆爲公辯雪而臺諫因劾康并及新鄭新鄭竟
以此去位康亦遠謫而公少安時有中旨令館臣撰
中秋致語公謂先帝新棄羣臣非宴樂時臣不敢

奉詔

上於是爲罷宴

上謁陵甫至齋宮而使中

貴以意問曰祀在次日欲輕騎一出觀形勝可乎公
曰上以祀來乎以觀形勝來乎以祀來則先游而
後祀非所以展孝思也上竟以祀畢出觀上欲
以太監李用等分監營兵又命修內教場勒中貴習
騎射公持甚力上難公乃止一品九年再滿力求
去詔慰留加公伯爵俸固辭久之乃視事上欲
幸南海子公諫不聽又與中使李芳忤遂稱病不出
御史張齊因汙公姦利六事公再疏辭獲允公還里

杜門自守而新鄭再起以舊事銜公乃出其黨爲監
司郡守伺公引繩批根而生平與公有睚眦怨者皆
乘是侵公公怡然不校會拱敗獲免甲戌孫元春舉
進士每戒之曰無競之地可以遠忌無恩之身可以
遠謫咸謂名言壬午公年八十今上使使存問賜
諭優渥鄉人榮之公雖材器天成而實本之學自爲
諸生卽從聶貞襄公切磋理道其後與歐陽文莊公
輩推明王文成良知之旨相爲磨淬然獨不事口耳
而以躬行爲實際以經濟爲真詮故其發於事業光

明俊偉、非俗儒所可彷彿、生平無姬媵之侍、無臺榭之飾、友弟惇讓、肫肫無僞、田宅錄廕、輒以推分弟姪、
癸未閏二月二十六日卒、年八十一、贈太師、謚文貞、
所著有世經堂集二十六卷、又手校錄程純公言若干卷、公爲文有根柢、嚴於法度、不爲無益語、王司寇稱曰、世廟如白日之麗天、而忽爲震雷迅霆、公徐劑其震迅之勢、而爲霖雨、穆廟如白日之麗天、而浮陰時時翳之、公直解駁其陰翳、而復爲白日、人以爲知言云、

少保趙文肅公

趙貞吉字孟靜號大洲蜀之內江人生而神穎六歲誦書日盡數卷年十五讀王文成傳習錄驚曰予固疑物理之遠於本也今獲所歸矣白二親往從不許遂遍誦六經自求之嘉靖戊子甫鄉薦走謁故相楊文忠里第文忠稱曰是社稷器也明年下第歸太夫人逝泣曰人世飈忽若是遂兼修出世業習靜古剎不櫛沐解衣者數年父資政公強令赴試舉禮部廷對都御史王公廷相撫其卷曰雖治安策弗能絕也

上嫌其語直置二甲尋悔之乃首列庶吉士特旨留館授編修公感上初年銳意聖學後稍惑方術遂

上求真儒贊大業疏執政不懌公日與同志徐公樾

輩切劘踰歲謁告歸蜀爲多士發明大學致知本旨

蜀士知有問學出帖碑上者自公始也二年開封三

年教司禮監同修會典充會試同考試官又三年遷

右春坊右中允管國子司業事當此時天不士高者

固守物理紛若射覆一聞知本之學反加詆訾於聖

門性道之旨莽如也公慨然曰學之不明求知性也

六館士首揭中庸性道教爲訓諸士聞之懷然
習若濯而新是歲爲庚戌公語當事者曰虜將大
舉盍爲防禦計八月虜果闌入古北口由通州薄都
城公乃上破虜疏是時虜方有求貢嫚書入朝上
詔禮部尚書徐公階集百官議日中莫有發一語者
公獨出大言曰城下之盟春秋耻之且旣許貢則虜
必入城要索不已卽内外夾攻胡以禦之徐公曰足
下必有奇畫公曰爲今計請主上出御正殿下詔
引咎錄周尚文之功以勵邊帥釋沈束之獄以開言

路輕損軍之令重賞功之格飭文武百司共爲城守
遣官宣諭諸將監督力戰其他無可爲者上已偵
知公言手詔嘉公壯猷陞左春坊左諭德兼監察御
史領勅宣諭并給銀惟所措然勅未有督戰語可統
攝諸將以行也公以請于相嚴嵩嵩故有卻又其黨
趙文華素銜公冀相齟齬而甘心焉故不與事權卽
兵曹一護卒不可得時虜騎充斥公單騎出城先詣
總兵仇鸞營次過諸將宣上旨激勵付賞功銀一
時將卒感奮惟趙國忠一營駐沙河隔虜則屬鸞傳

而公以詰朝入城復命方公之入也仍欲上請督
戰已撰有疏草矣而鸞陰畏公至遂令人請備膳疏
故爲遲之公入朝趣疏不來獨以宣諭事畢奏上
上怒謂公領銀未覩措置第爲尚文束遊說詔錦
衣逮杖落職補廣西荔波縣典史癸丑量移徽州府
判稍遷南吏部文選司主事未至進郎中乙卯陞南
光祿寺少卿遷南通政司叅議先是嵩已嗾吏部推
公藩叅因上問趙某何在故有是遷丙辰陞南右
通政明年陞南光祿寺卿聞三殿災公移書執政言

大工復作不宜提編加賦重困民嵩見大忤又三年
乃陞公南戶部右侍郎時公已聞計歸服闋改戶部
右侍郎抵任上屢遣代祭示優眷嵩滋不樂亡何
有建議薊州增設戶侍一員督糧練兵者嵩以屬公
且召公酒詭曰是行非公不可公曰人臣之義死生
以之復何諉哉酒半公徐曰今欲戶侍督糧督京運
乎抑民運乎若二運已有職掌卽部中與出薊州何
異添官徒增擾耳况兵之不練其過宜不在是縱上
戶侍出無益練兵也嵩作色怒且罷適嵩在告上

手詔次相徐公問荊州事徐對以查理當用習邊糧者吏部因得易管理爲查理而以林侍郎行嵩出愈忿公而詬林侍郎嗾其黨張給事益劾林不數日并劾公竟奪官去公平日持論以二氏學通吾儒謂必出世乃可經世道汴遊嵩高抱犢伏牛諸山巡撫蔡公汝南逆而問學公遂列爲圖明三教之所繇起曰儒者見之曰儒仙者見之曰仙佛者見之曰佛其實一也蔡梓以傳公家食多居玉溪莊嘗爲諸生申致知之旨又爲講說人心道心精一執中大要以中卽

性命卽天則也、而後儒乃不識中爲何物、至以爲物、
物有之、是有同於刻舟之愚、雕形之苦、殊失其旨、丙
寅、肅皇帝崩、公哭最哀、曰、先皇帝知我隆慶改
元、詔起公吏部侍郎、兼翰林院學士、掌詹事府事、
實錄副總裁、曾有言、幸學祭酒坐講、當預擇耆德攝
之、遂奉旨、以原官兼掌國子事、八月朔、駕幸學、
賜坐講、禹謨后克艱章、上見公、圍發精明、音吐洪
鬯、大爲感動、問之、知爲新起用、臣益喜、尋命解監事、
元日講官、先是北虜陷石州、公與執政數議邊事、不

合乃求補南禮書既行御史李惟觀南戶科給事岑
用中交章言趙某告啓沃之任可以格心贊治不宜
置遠地迺上顧講筵無公不悅諭曰前年高往南京
者仍令日講遂復以禮部尚書兼翰林學協管詹事府
事戊辰二月公赴京會文武邊臣建議欲招練南兵
十萬于襄陽公執不可曰襄南京建振武營致大
變今乃欲建一振武營於都城側哉况燕薊乃戎馬
場豈藉南兵當軍事者藉茲移練兵于薊鎮惟揀南兵
三千教烏鉉識者謂爲得算項之奉 命教庶吉士

仍充講讀纂修又命代祭先師孔子爲皇太子千

秋講唐太宗喻太子章賜賚無虛日時薊鎮奏修敵

臺幾下座公以爲徒費無裨戰守因講語中力言之

語且爲執政格不得上公遂邑邑懷去志而上之

眷用意益切尋詔以原官兼文淵閣大學士同諸臣

入輔大政一日于講筵謝上面諭盡心輔佐公稽

首對臣敢不竭股肱之力効忠貞之節第近日朝綱

邊防多廢壞臣欲捐身任事惟陛下下主之上一色益

喜于時上多恭默而面諭公者再傳臣謂自臨御

以來所未有翌日御便殿手詔閣臣謂公已有年當
同任閣事又換勅令中貴捧詣閣下皆特典也先是
大同邊臣棄城走爲巡按暨利道所叅而閣臣未有
言治罪者公謂宜照元年山西失事例治之執政不
得已乃行巡按覆勘公爲是遂註籍不出上聞溫
諭遣醫賜羊酒瓜菜公感上朕乃上疏乞解贊輔
重任退供講職且言大同之罪惟祖法國是公論
清議八
是矣今兵部與議臣俱仍姑息臣欲
爭論而乃不
懷愾思
之是日

上以原。之。制。不。失。其。年。虛。套。之。論。而。問。
中。猶。以。舊。制。為。復。上。兩。解。之。公。信。公。益。篤。
明。年。庚。子。一。通。制。其。制。以。舊。制。略。云。我。
朝。內。外。之。制。乃。高。皇。帝。定。萬。世。太。平。計。俾。
免。前。代。之。患。永。樂。末。年。因。三。府。兵。北。伐。旋。
師。後。遂。結。三。府。乃。以。三。千。神。機。一。營。附。之。因。號。三。
大。營。其。中。三。府。五。府。兵。也。正。統。末。年。嘗。變。為。十。團。營。弘。
治。間。又。加。為。一。團。營。正。德。間。又。添。置。東。西。官。廳。然。
五。營。之。號。未。泯。而。五。府。意。猶。存。也。正。德。庚。戌。嚴。嵩。

欲爲賊將仇鸞地遂請特設戎政廳括內外兵籍儲
總督戎政印授鸞夫以五府外而別立一廳則盡變
太祖分府之意以十餘萬衆而統於一人則盡變
成祖分營之意向使鸞誅晚則時事之危未可測也
台無將見操官軍九萬人分爲左右中前後五營各
歸一將統之責今開管教習仍以文臣巡覈之每歲
春秋校閱凡將官能否軍士勇怯技藝生熟皆得奏
聞而賞罰行焉要令一營齊成精銳有事則領勅將
兵於閫外事畢則納印歸卒於營中如是則太阿之

柄獨持於上而輦轂下有數萬精兵隨所用而可矣

上曰分營練兵乃

祖宗舊制遂下廷臣議行時本

兵兵科挾前大同事議遂蜂起反失公建白本意

上以公兼掌都察院加太子太保時閣臣高拱兼掌

吏部方欲挾權寵制諸臣意假公爲分謫地故推公

兼院事已而本兵霍冀被科臣論劾賊私疑公前議

大同及已乃於求退疏中誣公主使公疏辨欲付法

司究問以糾官邪且兩上疏乞休上不允乃請給

輟回籍還葬不允拱尤銜故相徐公欲中以危法至

言當時議事臣假托遺詔凡先帝所斥如大獄及
建言得罪諸臣悉加超擢死者贈官蔭子是仇視
先帝近於無君又引弘治間彭程事欲有以治之公
拂衣起曰若是則將如宋奸黨碑矣拱色變強留公
乃共改票止於吏部通行曉諭而已又因公言去大
獄字拱以是迄不得逞於徐公後又以故錦衣陸炳
爲徐姻家已嗾張御史追劾炳而刑部以炳一品爵
例在應議列當請勅三法司集議定之奏下閣中擬
票是日拱遲公久不至旣至欲從容商之拱遂徑擬

削爵沒產自是拱與公勢不兩立矣亡何宣太督撫
王崇古等奏俺荅孫把漢阿吉等入降公語輔臣李
公春芳曰此邊疆幸事已而本兵奏上李公票旨僅
曰是公曰大約浮言謂恐開邊釁然自俺荅橫行五
十餘年每年邊餉數百萬何年無釁釁不在納降也
惟當請暫與降人官職慰來者心其制虜機宜一付
之督撫乃同改票如公言與那阿吉指揮使阿力哥
正千戶時虜求封貢朝議焚然獨公力主其議亟令
督撫姑置封貢事徐議之第令俺荅速獻投虜叛入

趙全等九人易其孫去且當慎交唇防虜劫盟
王書曰吾外憐悉怛謀之附人內以李文饒之失勅
公爲邊計篤切類此先是給事中王錫爵齊者爲拱
劾徐公而王都御史因訐齊賊罪抵忤後齊倚拱辨復
力擊王與毛司寇欲因以傾徐乃奏行法司而刑科
給事中舒化參寢不得行拱懷怒思一逞於是考察
科道旨從內出公曰是將倚法爲報復計也疏請止
之拱聞卽上揭謂有成命不當中止公遂同吏部
有給事中吳時來者故嘗劾嵩父子謫戍起而守位

直不附拱者也。拱銳欲去之，公獨不可爭。至日中，拱知公不可奪，竟從公以故臺省名士得全者衆。然拱益恨公刺骨噬心腹，給事中韓楫枉劾公，公疏懇乞歸，且曰：願上放臣歸田里，令拱復還內閣，毋久專大權，樹衆黨，別選老成掌部院庶上不悖祖訓，下不紊職掌。上雖眷公甚，而拱交通中外，亟謀逐公。天子不得自持，遂允公暫還。時論惜焉。公行後，虜果還叛人趙全等獻俘，禮成。上以公與議廢一子中書舍人。明年春，公抵家，諸門人請設教，聖水寺會。

宗大漸公哭臨至哀毀成疾乙亥遂杜門不復會
諸第擬作二通遺諸門人內篇曰經世通外篇曰出
世通二通各分二門內篇門曰史通曰業通外篇門
曰說通曰宗通內通之門八部史通部曰統曰傳曰
制曰誌業通部曰典曰行曰藝曰術八部具而百代
九流之緒備矣外通之門四部說通部曰經曰律曰
論宗通部曰單傳直指四部具而頓漸半圓之旨悉
矣所貴俾三千年未經折衷之籍聚爲一書以俟來
哲是歲十月卽開局編述乃爲文祭諸聖賢告始事

其略曰身居臣子之地每懷經世之憂心慕道德之
門時發出世之願邇來垂白謝事忽生勇猛乃取舊
書以類臚列隨文點布各就部曲約要而言經世者
之體出世者不忘經世之用然後千聖一
心萬古一道聖人憂世之念可少慰矣語具公內外
篇都序及貽曾巡撫書中至冬末疾作輟編丙子三
月薨春秋六十有九計聞上輟朝諭祭誥贈少保
謚曰文肅公孝友天至從總髮與弟蒙吉自相師友剛
忠英偉稱其氣貌解褐卽身任天下憂先一世雖

徑不回至其問學淵源上探堯孔之微而并包述
伯陽子羽爰達泥洹雅自命曰經世出世其古之博
大人哉荀揚諸子未足窺其奧也其文章不襲人後
而博辨雄深要歸于道所著詩文若干卷進講錄
若干卷行于世

續藏書十二卷終

平陽車目

卷三





